

Examinaziun dil menaschi forestal dalla vischnaunca Ilanz/Glion

Rapport dalla suprastanza communal per realisaziun dall'incumbensa Gabriel

dils 4 da zercladur 2018

Situaziun da partenza

Incumbensa Gabriel

A caschun dalla sesida dil parlament dils 17 da schaner 2018 han Gierina Gabriel e consutsegnaders inoltrau suandont'incumbensa:

La suprastanza communal vegn incumbensada d'examinar sch'igl ei pusseivel da spargnar cuosts entras reducziun dil menaschi forestal sin ils selviculturs indispensabels e cheutras silla privatisaziun che seresulta en caussa. Priu il cass che quei seigi aschia duei la reducziun succeder enteifer ils proxims tschun onns. Il menaschi forestal duei ademplir exclusivamein lavurs vid uauls da schurmetg. Pils luvriers dils quals las plazzas vegnan strihadas e che daventan en consequenza senza lavur ei d'anflar ina sligiazion corrispudenta. Las lavurs seigien da surdar per gronda part a fatschentas dalla regiun Surselva.

Argumentaziun

Cun privatisar pass per pass il menaschi forestal selain specialmein cuosts da pagas sco era cuosts per acquist e manteniment da maschinas forestalas vegnir spargnai. Igl ei da presupponer ch'ils cuosts totals sereduceschan aschia. L'examinaziun da questa hipotesa ei aschia giavischeivla. Ultra da quei seprofitassen sorprendiders dalla regiun ch'ei gie era pagataglias entras quella privatisaziun.

Assegnaziun alla suprastanza communal

A caschun dalla sesida dil parlament dils 11 d'avrel 2018 ha il parlament inoltrau alla suprastanza communal l'incumbensa partenent reducziun dallas incumbensas dil menaschi forestal.

L'assegnaziun sebase sin suandonta risposta, explicaziuns e proposta dalla suprastanza:

La suprastanza communal propona d'extender l'examinaziun dall'incumbensa Gabriel sin suandontas quater variantas.

- A. Status quo: Menaschi forestal pur cun 50 % survetsch jester/ engaschi da sorprendiders per raccolta da lenna sin scalem da producziun (PS) 2 (50 % raccolta da lenna ed ulteriura lavur forestala entras atgna grupp da reschia).*
- B. Survetsch forestal pur cun 85-90 % survetsch jester/ engaschi da sorprendiders tier la raccolta da lenna PS 2 (10-15 % raccolta da lenna PS 2 ed ulteriuras lavurs forestalas entras atgna grupp da reschia).*
- C. Survetsch forestal pur cun 100 % survetsch jester/ engaschi da sorprendiders (tuttas lavurs forestalas PS 1 + PS 2 vegnan exequidas entras sorprendiders).*
- D. Survetsch forestal pur cun diversificaziuns, 85-90 % survetsch jester/ engaschi da sorprendiders PS 2 (10-15 % raccolta da lenna PS 2 ed ulteriura activitad forestala entras grupp da reschia, diversas lavurs per auters secturs communals sco luvratori communal, vias da viandar e.a.v.).*

Tier las quater variantas duein suandonts criteris vegnir risguardai:

- Avantatgs e disavantatgs da gener general*
- Persunal*
- Necessitad d'infrastructura*
- Organigram*
- Cuosts e rentabilitad*
- Qualitad*
- Segirtad*

Da trer en consideraziun gia el rom dallas ponderaziuns d'analisa il plazzar da niev il persunal pertuccau mira la suprastanza communal per buca fetg prudent. Quei vala ei da far cura ch'ina decisiun per l'ina u l'otra varianta ei previsibla. La surdada dad incumbensas sedrezza da principi tenor las leschas corrispudentas digl uorden d'acquisiziun publica. La vischnaunca observa denton cuntinuadamein da sche pusseivel surdar las lavurs a sorprendiders dalla vischnaunca ni dalla regiun en consideraziun da risguardar pressiu da spargn e libertad d'acziun.

El rom dall'assegnaziun ha il parlament decidu da completar l'analisa cun ina varianta E: Menaschi forestal pur cun 80-90 % atgna prestaziun. Vinavon ha il parlament pretendiu propostas concretas per respargns da cuosts.

Premissa

El rom dil project AWN «Optimale Betriebsstrukturen und Prozesse» ha la suprastanza communal incumbensau in agid qualificau extern per l'analisa dils fatgs el senn numnaus sura. Heinrich Mannhart, igl incumbensau digl uffeci uaul e prighels dalla natira che cussegia menaschis forestals, ha fatg l'analisa ed intercuret g las tschun variantas. Ils resultats da sia lavur sesanflan ell'annexa. Las cefras dallas singulas variantas sebasan sin in scenari da referenza da 300 procents da plazzas da lavur per la lavur forestala quei che corrispunda al stan actual ed allas cefras dil quen. Quei possibilitescha ina cumparegliaziun precisa eifer las differentas variantas. Culla perdita dallas vischnauncas Vuorz ed Andiastrereducescha igl engaschi forestal sin 250 procents da plazzas. L'analisa risguarda ils cuosts da personal e vehichels denton buca ils cuosts da material. Quels muntan a 15 % dils cuosts totals. Per ulivar singulas deviazions annualas fuorman las cefras ell'analisa da menaschi la media dils onns 2016 e 2017.

Resumaziun dalla scuvretga dall'analisa dallas tschun variantas

- Pli aults ch'igl agen engaschi el menaschi forestal ei e pli gronda che la cumpart dils temps nunproductivs dil personal ei el cass da malaura e.a.v.
- Tier reduziun sin pura lavur da selvicultura mauncan buca mo plazzas d'emprendissadi e plazzas da lavur mobein era bostgers cun bunas enconuschientschas localas, la vischinonza tier la populaziun, la pusseivladad da vender lenna da brisch sco resursa persistente sco era da transmitter alla populaziun la valeta digl uaul. Ultra da quei mauncan personas cun enconuschientschas localas che fussen disponiblas immediatamein tier eveniments da natira. Da risguard pur economic porscha quei model (variante C tenor l'analisa Mannhart) ils pli gronds effects.
- Ils sorprendiders ein pli efficients sil sector raccolta da lenna oravontut en territoris difficils. Sin 1'000 m³ lenna che la gruppa forestala raccolta e venda en pluna seresulta ina sperdita denter 35'000 e 50'000 francs.
- Tier la variante D (menaschi mischedau) seresulta per la gruppa forestala il pli pauc temps nunproductiv per quei ch'ils luvriers san vegnir occupai cun lavurs el luvratori communal.
- La fiera da lavur tiels selviculturs da revier ei pil mument fetg schliata. Ton pli impurtont eis ei che las plazzas per selviculturs da revier seigien attractivas per survegnir bunas personas qualificadas e motivadas. Quei ei il pli tgunsch contonschibels tier las variantas B e D.

Facit

La suprastanza communal ei digl avis ch'ei seigi endretg d'haver in agen menaschi forestal. Ina renunzia totala dallas plazzas da lavur dils bostgers, dallas plazzas d'emprendissadi sco era da personal cun enconuschientschas localas che san era vegnir en acziun a caschun d'eveniments da natira considerescha la suprastanza buca per fetg prudent e per memia gronda perdita da qualitat. Sin fundament dils resultats partenent efficienza economica ei la suprastanza communal digl avis ch'ei seigi da trer en consideraziun ed examinar las variantas B ni D.

Ord vesta dalla suprastanza communal ein ils puncts suandonts da consultar en in proxim pass:

- Organisaziun futura tier ina variante B (menaschi forestal pur cun 85-90 % survetschs jasters);
- Examinaziun partenent pachets da prestaziun cunfinabels claramein per la variante D (menaschi forestal pur cun 85-90 % survetschs jasters e diversificaziuns);
- Sclarir il profil da piazza dalla selvicultura.

Quellas examinaziuns e decisiuns corrispundentas duein succeder ton pli gleiti sinaquei ch'ei sappi vegnir scret ora la piazza da selvicultur (successiun J. Dietrich) ed instradau ina reorganisaziun eventuala sin l'entschatta dil 2019.

Proposta

Sin fundament dallas explicaziuns dadas sura fa la suprastonza communal suandontas propostas al parlament communal:

- Prender enconuschientscha dil rapport sur l'examinaziun dil menaschi forestal.
- Liquidar l'incumbensa Gabriel.

Ilanz/Glion, 4 da zercladur 2018

Suprastonza communal Ilanz/Glion